

十載生涯一枕南柯

其四

子是虛飄飄水上浮漚不如谷口煙霞獨樂深耕爲國求兵笑
包胥哭倒秦亭試看青門外鋤瓜邵平東籬下栽菊淵明午醉
初醒獨坐茅亭打一會簡子漁鼓誦一篇道德黃庭

雁兒落得勝令

爲浮生兩鬢白觀鏡裏朱顏邁忙辭了白象簡緊納了金魚帶
綠柳倚門栽金菊映籬開愛的是流水清如玉那里想侯門深
似海幽哉袖拂白雲外彭澤清閑歸去來

其二

道藏輯要

鳴鶴餘音

夏

觜集八

光陰如水流日月搬昏晝塵俗一筆勾世事都參透睡來時高
枕一無憂悶來時拄杖半過頭饑來時一鉢千家飯閑來時孤
身萬里游盈眸閬苑風光秀擡頭蓬萊景物幽

其三

榮華似風內燈富貴如槐安夢恰六朝賀太平十二國干戈動
人海混魚龍浮世隱英雄收楚韓元帥與周的姜太公功名到
底成何用悉是南柯一夢中

甜水令

爐中煉出靈丹藥雷震採茶苗明月清風杖頭挑不掛椰瓢

其二